

**MAIZ EGITEN DIREN GALDERAK****BEKA EZ UNIBERTSITARIOAK. 2022-2023 ikasturtea****1. Zein da aurkezteko epea?:**

- 2022ko uztailaren 18tik irailaren 30era arte.

- Matrikula 2022ko irailaren 30a baino geroagokoa bada, beka-eskaera aurkezteko epea hilabetekoa izango da, matrikula egiten den egunetik hasita. Edonola ere, 2023ko martxoaren 31ra arte baino ez dira onartuko beka-eskaerak.

2. Non eskura dezaket eskabide-orria? Bete ondoren, non aurkeztu behar dut?

2021-2022 ikasturtean beka edo laguntzaren onuradun izan ziren eta matrikula kudeatzeko aplikazioan sartutako irakaskuntzetan ikasten ari diren ikasleei dagoeneko betetako eskabide-zirriborroa emango zaie SMS eta/edo posta elektronikoko bidez bidaliko dira. Eskabide-zirriborro hori Ikasguneetik ere eskura dezakete.

Gainerako ikasleek modu elektronikoan egin ahal izango dute eskaera. Horretarako, honako helbide honetara jo beharko dute:

<https://www.hezkuntza.net/y44BecPolCieWar/y44MantenimientosJSP/y44CambioldiomaSolicitante.do>

Paperan ere jaso ahal izango da ikastetxean.

3. Bi ikasketa desberdin egiteko beka eska al daiteke? Bai, eska daiteke, baina soilik zenbateko handiena duena ematen da.

4. Autonomia Erkidegotik kanpo erroldatuta egonez gero, beka eska al dezaket? Bai, ikastetxea Euskal Autonomia Erkidegoan kokatuta badago.

5.- Zer baldintza akademiko bete behar ditut?**a) Haur Hezkuntzako, Lehen Hezkuntzako eta DBHko ikasleak:**

- Euskal Autonomia Erkidegoko ikastetxeren batean matrikulatuta egotea.

b) Gainerako ikasleak:

- Euskal Autonomia Erkidegoko ikastetxeren batean matrikulatuta egotea.
- Ikastaroa errepikatzen ez aritzea
- Batxilergoko lehen mailako eta goi-mailako ikasketetako ikasleek, gainera, 5 puntuko batez besteko nota lortu beharko dute ikasketa horiek egiteko gaitzen duen ikasturtean.
- Goi-mailako ikasketetako bigarren mailako ikasleek 2021-2022 ikasturtean egindako ikasketen % 85 gainditu beharko dute gutxienez.

6. ¿Zein laguntza jaso ditzaket? Baldintza guztiak betez gero, honakoak jaso ditzakezu:

a) Haur Hezkuntza 1. zikloa (Haurreskolak Partzuergoko ikasleak izan ezik).**Kuota-osagaia**

- 0 urteko eta urte 1eko ikasleak, gehienez 90 euro hileko.
- 2 urteko gelako ikasleak, gehienez 200 euro ikasturteko (Ikastetxe publikoetako ikasleak izan ezik)

Jantoki-osagaia: 2 urteko gelakoentzat, gehienez ere 818,80 euro izango dira; zenbateko hori honela kalkulatu da: jantokiko egun kopurua (178 egun, gehienez ere), bider eguneko prezioa, gehienez ere, 4,60 eurokoa izanik.

b) Haur Hezkuntza 2. zikloa, Lehen Hezkuntza, Derrigorrezko Bigarren Hezkuntza eta Musika eta Dantzako oinarrizko ikasketetako ikasleentzat:

- Eskola-materialen osagaia.
- Jantoki-osagaia: soilik Haur Hezkuntza, Lehen Hezkuntza, DBH eta Hezkuntza Bereziko mailentzat. Gehienez ere 818,80 euro izango dira; zenbateko hori honela kalkulatu da: jantokiko egun kopurua (178 egun, gehienez ere), bider eguneko prezioa, gehienez ere, 4,60 eurokoa izanik

c) Batxilergoko Irakaskuntzetako, Erdi Mailako eta Goi Mailako Lanbide Heziketako Irakaskuntzetako, Arte Irakaskuntza Profesionaletako eta Kirol Irakaskuntzetako ikasleak:

- Eskatzailearen errentari lotutako zenbateko finkoko osagaia.
- Eskatzaileak ikasturtean duen bizilekuari lotutako zenbateko finkoko osagaia.
- Oinarrizko bekaren osagaia.
- Errendimendu akademikoan izandako bikaintasunari lotutako zenbateko finkoko osagaia.
- Zenbateko osagarriaren osagaia.

Oinarrizko bekaren osagaia bateraezina izango da eskatzailearen errentari lotutako zenbatekoarekin.

d) Oinarrizko Lanbide Heziketa eta Hizkuntzako ikasketak egiten dituzten ikasleek.

- Oinarrizko bekaren osagaia.
- Zenbateko osagarriaren osagaia

e) Lanbide Heziketako irakaskuntzetako eta Batxilergoko irakaskuntzetako ikasleak, gaueko modalitatea, ez-presentziala edo matrikula partziala egiten dutenak:

- Oinarrizko bekaren osagaia.
- Zenbateko osagarriaren osagaia

7. Inprimakiaren zein ataletan adierazi behar dut eskatu nahi dudan beka mota?

Ez da leku zehatz batean adierazten, eskaera bakarra baita. Familiaren egoera ekonomikoaren, ikasketa motaren eta abarren arabera, dagozkien osagaiak emango zaizkie.

8. Zein agiri aurkeztu behar ditut?

2021-2022 ikasturteko beka jaso baduzu, soilik 2021-2022 ikasturtean emandako datuekiko aldaketarik egon bada, erantsi egin beharko dira aldaketa hauen egiaztagiria.

2021ean elkarbizitza-unitatean lortutako diru-sarrerari dagokienez, soilik hauek aurkeztuko dira:

- Errentaren Aitorpenaren fotokopia, Araban, Bizkaian edo Gipuzkoan aurkeztu ez bada.
- Bizikidetzta-unitatearen diru-sarrerak justifikatzeko egoki irizitako beste edozein dokumentu (Ogasunean daturik ez dutenek), : gizarte zerbitzuak, Caritas, Gurutze Gorria, eta abar

2021-2022 ikasturtean ez baduzu bekarik jaso:

- Errentaren Aitorpenaren fotokopia, Araban, Bizkaian edo Gipuzkoan aurkeztu ez bada.
- Bizikidetzta-unitateko pertsonen erroldatze-txartela.
- Bizikidetzta-unitatearen diru-sarrerak justifikatzeko egoki irizitako beste edozein dokumentu(Ogasunean daturik ez dutenek), : gizarte zerbitzuak, Caritas, Gurutze Gorria,
- Familia ugaria, guraso bakarreko familiak (banantzeak, alarguntza...), zurtasun, minusbaliotasun, familiaren etxetik kanpo bizi diren anai-arreba unibertsitarioak, eta abarren ziurtagiriak.

9. Zeintzuk dira gaintitu ezin ditudan diru-sarrerak? Zergatik dago diru-sarrera taula bat baino gehiago?

Lor daitezkeen laguntza mota desberdinetarako, gaintitu ezin diren gehieneko diru-sarreraren mugak dituzten hainbat taula daude. Muga horiek familia-unitateko kide kopuruaren, laguntza motaren eta ikasketa-mailaren arabera aldatzen dira.

10. Diru-sarrerarik ez badut, zer aurkeztuko dut eskaerarekin?

Diru-sarrerak nolabait adierazi behar dira, jasotako laguntzen, lan-kontratuen, 10T-en, bizibideen ordezkagiriaren bidez (bizitzeko baliabideak egiaztatu behar dituzte agiri ofizialen bitartez: gizarte zerbitzuak, Caritas, Gurutze Gorria...

11. Nola kalkulatu dira familiaren diru-sarrera garbiak?

1.– 2021eko ekitaldian PFEZaren aitorpena aurkeztu duten kide konputagarrien errenta zehazteko, **zerga-oinarri orokorra eta aurrezkiaren zerga-oinarria batuko dira**. Zerga-oinarri orokor osoak edo zati batek jarduera ekonomikoen etekinak baditu, eta etekin horiek zeinu negatiboa badute, emaitza 0 izango da. Gainerako zenbatekoari **kuota likidoa kenduko zaio**. Pertsona fisikoen errentaren gaineko zergan jasota ez dauden diru-sarrerak eta laguntzak gehitu egingo zaizkio aurreko formularekin ateratako emaitzari.

2.– Pertsona fisikoen errentaren gaineko zergaren aitorpena egiteko obligaziorik izan ez, eta halakorik aurkeztu ez duten kide konputagarrien errenta honela kalkulatu da:

a) 2021eko ekitaldian edozein kontzeptu dela-eta lortutako diru-sarrera guztiak batuko dira (lan-etekina, langabezia-prestazioak eta -laguntzak, pentsioak, gizarte-laguntzak, salbuetsitako errentak...), baita ohiko etxebizitza ez diren hiri-ondasunen etekina ere –PFEZaren ondorioetarako konputagarria–, betiere 2021eko ekitaldian aplikatzekoa den zerga-araudiaren arabera.

b) Batura horretatik kendu behar da aplikatzeko diren gastu kengarriak (Gizarte Segurantzaren, etab.) eta konturako atxikipenek sortutako zenbatekoa.

12. Noiz ordaintzen da beka? Nola jakingo dut?

Behin-behineko eta behin betiko ebazpenen jakinarazpenak Eusko Jaurlaritzaren <https://www.euskadi.eus/iragarki-taula-elektronikoa/> webguneko iragarki-taula elektronikoa argitaratuko dira. Aipatutako iragarki-taulan ebazpenak argitaratzen direnean SMS eta/edo posta elektronikoa bitartez abisatuko da.

Alegazioak aurkezteko epea 15 egun naturalekoa izango da, eta errekursoak aurkezteko epea hilabetekoa, Eusko Jaurlaritzaren egoitza elektronikoko iragarki-taulan argitaratu eta hurrengo egunetik aurrera.

Laguntza dena batera ordainduko da hilabeteko epean, Kudeaketa ekonomikoaren zuzendariak **behin betiko ebazpena ematen dutenetik aurrera**.

13. Laguntza esleitzen ba didate, zergatik ez dut nik dirurik jasotzen?

Kudeaketa zuzeneko jantokiak dituzten ikastetxe publikoen kasuetan, jangelako laguntzak zuzenean ematen zaizkio ikastetxeari, eta ikastetxeak laguntza horiek jasotzean, familiei itzuliko dizkie, hala badagokie. Gainerako kasuetan, beka, laguntza edo sorospena eskatzaileak eskabidean adierazitako kontu-zenbakian sartuko da.

14. Jangelako laguntza ematen ba didate, zergatik ordaindu behar diot kontzeptu hori ikastetxeari?

Jantokiaren kostua osagaiaren gehieneko zenbatekoa baino handiagoa izan daitekeelako. Gehienez ere 818,80 euro izango dira; zenbateko hori honela kalkulatu da: jantokiko egun kopurua; (178 egun, gehienez ere), bider eguneko prezioa, gehienez ere, 4,60 eurokoa izanik.

15. Ikaslea egunero jangelara joaten ez bada, jangelako laguntza eska al daiteke? Bai, ikasturtean gutxienez 20 eguneko zerbitzu hori erabiliz gero.

16. Familia ugariagatikoa kenkaria?

Familia ugariak kenkari hauek dituzte familia-errentan:

- 525 €familiaren etxebizitzan bizi den anai-arreba bakoitzeko, eskatzailea barne, kategoria orokorreko familia ugarien kasuan.
- 800 €familiaren etxebizitzan bizi den anai-arreba bakoitzeko, eskatzailea barne, kategoria bereziko familia ugarien kasuan.

- 2.000 €famiaren etxean bizi den anai-arreba bakoitzeko, eskatzailea barne, eskatzailea 22. artikuluan zerrendatutako hezkuntza-laguntzaren berariazko premia duen ikaslearena denean.

17. Iazko diru-sarrera berdinekin edo antzekoekin, zergatik ez dut laguntza bera jaso?

Muga ekonomikoetako bat gainditzen duzulako, edo bizikidetzaren unitateko kideak aldatu egin direlako.

18. Zergatik da handiagoa Haur Hezkuntzarako materialaren osagaia Lehen Hezkuntzarako eta DBHrako baino?? Lehen Hezkuntzan eta DBHko 1. eta 2. mailan ikastetxe publikoetan curriculumak garatzeko material didaktikoaren eta bitartekoen (liburu solidarioak) programa ezarrita dagoelako.

19. Banandutako familien kasuan, aitak eta amak eska dezakete beka?

Ez, bietako batekin soilik, erroldatuta dagarenarekin.

20. Laguntzak beste mota bateko bekekin bateragarriak al dira?

Bai, bateragarriak dira helburu bererako beste erakunde publiko edo pribatu batzuetatik jaso daitezkeen beste edozein onurarekin, betiere horiek guztiak batuta ez bada gainditzen laguntzaren xede den gastuaren % 100.

21. Curriculumak garatzeko material didaktikoaren eta bitartekoen “Liburu solidarioak” programari uko egiten badiot, eskolako materialerako laguntza eska al dezaket?

Ez, programa horri uko egiten badiozu, ez duzu eskolako materialari dagokion inolako laguntzarik jasoko.